



Ech huelen dat heiten awer och nach weider mat an eis Reflexiounen, wou mer och am Ministère nach weider wäerten dru schaffen.

► **M. Mars Di Bartolomeo**, *Président*.- Merci. An de Froesteller huet d'Recht, eng Zousazfro ze stellen.

► **M. Alex Bodry** (*LSAP*).- Jo, just eng Sugestioun an eng Fro.

D'Suggestioun wär: Ech mengen, Dir hutt eng Informatiounscampagne gemaach bei deene Jonken. Et wär allerdéngs wichteg, och eng ze maache bei de Propriétaires, well u sech muss jo fir d'Eischt emol de Propriétaire och bereet sinn, fir mat méi Leit eigentlech e Kontrakt ofzeschléissen. An do kann ech mer och virstellen, dass do och Barrière sinn, Mentalitéitsbarriären, déi soen: „Bon, de Risiko, mat Problemer konfrontéiert ze ginn, ass vläicht manner grouss, wann ech nëmmen ee Locataire hunn, wéi wann ech mat méi Leit muss e Vertrag ofschléissen.“ Also, ech mengen, do muss een och geziilt vläicht de Leit e bëssen d'Angscht huelen, fir op dee Wee ze goen, fir esou e spezifesch Mietvertrag ofzeschléissen.

An dat Zweet ass: Well Der mer elo net op déi Fro geäntwert hutt, denken ech, dass do net vill Material do ass. Gëtt et eng Erhiewung iwwert den Observatoire de l'habitat, wat d'Envergue vun deem Phänomeen vu Colocatioun momentan zu Lëtzebuerg ugeet?

► **M. Marc Hansen**, *Ministre du Logement*.- Also, dorobber kann ech lech eng Äntwert ginn. Ech hu bei eis am Ministère kee statistesch Material, fir dat dote réi ze erhiewen, well dat natierlech och schwéier ass, well mer natierlech bei eis am Ministère och net all dat dote Material zesummen hunn. A wann een dann och nach...

An dann hutt Der awer och recht, wann Der sot, dass de Problem fir de Propriétaire deen ass... D'Situatioun, déi ass jo am Fong eng duebel. Soulaang eng grouss Demande dobaussen ass, muss dee jo och net vill Efforte maachen, fir Locataire sichen ze goen. Da fënnt deen och een, deen dat eenzel hëlt.

An d'Problematik, an dat géif fir mech awer elo ze wäit féieren, ass ebe genee déi: Wann dat ënnerschriwwé gëtt - an dat ass awer e bëssen an eiser Broschür hei erkläert -, entweder et ënnerschreift ee vun alleguerten de Colocataires, da mécht deen ee Bail. An da muss deen herno mat sengen hannendru kucken, mat alle Problemer, fir dass deen déi Suen erbäikritt oder d'Kautioun vis-à-vis vun dem Propriétaire. A wann de Propriétaire dat awer mat e puer Stéck mécht, mécht dat d'Saach fir deen natierlech och vill méi komplizéiert, well do ka jo regelméisseg dann emol ee sinn, deen erausgeet. Dee kritt vläicht och dann de Loyer vu véier Leit iwwerwisen an dann ass et fir deen... Also, dat ass de Problem vun der Démarche.

An dann, an ech mengen, domadder géif ech och schléissen, an dat war och gëscher an deem Reportage oder där Pressekonferenz do erauskomm: Et ass och e Mentalitéitsproblem, dee vläicht domadder verbonnen ass; op Propriétairesäit, awer och op där anerer Säit vum Locataire. An ech mengen, dat ass och nach e laange Wee, mä mir sollen dat eben och... An dofir kucke mer dat och nach weider an dem Ministère, wéi een dat da ka begleeten, fir dat och en place ze setzen, dass deen Outil vläicht méi sécher ass a méi einfach ass haaptsächlech fir déi zwou Säiten, déi awer ufänken, sech derfir ze interesséieren.

► **M. Mars Di Bartolomeo**, *Président*.- Merci. Domat ass dës Question élargie ofgeschloss.

A mir géifen zum nächste Punkt vum Ordre du jour iwwergoen, de Projet de loi 6990, wou et ëm Verpackunggeet an deen Offall, deen d'Verpackunge provozéieren. An de Rapporteur ass den Här Gérard Anzia, deen och scho prett ass.

7. 6990 - Projet de loi relative aux emballages et aux déchets d'emballages

Rapport de la Commission de l'Environnement

► **M. Gérard Anzia** (*déi gréng*), *rapporteur*.- Här President, léif Kolleeginnen a Kolleegen, et geet hei am Projet de loi 6990 och ëm e ganz technesch Volet, wéi de Kolleeg dat virdrun och gemaach huet. De Rapport ass hei e bësse méi déck: 54 Säiten; et si 24 Artikelen an zwou Annexen. An ech wäert natierlech net op all Artikel agoen an och net op déi 54 Säiten, zu Ärer grousser Enttäuschung.

Dësé Projet de loi ass den 12. Mee 2016 déposiert ginn an et huet ganz genau aacht Méint an eng Woch gebraucht, dass en eben zu engem Vott kënnt. Ob dat elo eng gutt Moyenne ass oder net, ech weess et net ze soen.

Do hunn ech nach net laang genuch Erfahrungsschätz, fir iwwer Jorzéngten do e Bilan ze maachen.

De Conseil d'État huet säin Avis den 11. Oktober vum leschte Joer ofginn. D'Chambre des Salariés, d'Chambre des Métiers, d'Chambre de Commerce hunn dat zu den Date 25. Mee, 15. Juli, 5. Oktober d'lescht Joer och gemaach. An der Ëmweltkommissioun hu mer de Projet de 26. Oktober analyséiert, an ech si selwer Rapporteur genannt ginn, a mir hunn do eng Serie vun Amendements parlementaires mat op de Wee ginn.

Den Avis complémentaire vum Statsrot war och schnell hannendrun do: den 29. November 2016. An och déi concernéiert Chamberen hunn een Avis complémentaire dozou ofginn.

De 7. Dezember huet d'Ëmweltkommissioun den Dossier erëm an de Grapp geholl an huet eng nei Serie Amendement-parlementaire gemaach. An déi zweete Kéier ass den 23. Dezember 2016 en Avis complémentaire vum Conseil d'État komm. - An elo schaaft et hei erëm, an da fueren ech awer weider. Den zweeten Avis complémentaire hu mer eis den 11. Januar ugekuckt an duerno hu mer dann och dës Rapport hei geholl.

ëm wat geet et? Et geet an deem Projet de loi also ëm Emballages an Déchets d'emballages. Et geet ëm d'Préventioun, et geet ëm d'Vermeidung also, et geet ëm Recyclage, d'nei Notzung. Et geet drëm, bei den Entreprises, bei de Ménagen u sech d'Décheten erofzesetzen.

Et geet hei virun allem an awer och ëm Sacs en plastique, an zwar virun allem déi Sacs en plastique légers, dat sinn der, déi 50 Mikrometer déck sinn. Dat sinn déi, déi Der an der Keess kritt. Wann Der déi méi ökologesch Tut, den Écosac, doheem vergiess hutt, da gitt Der domat dépannéiert. Et geet drëm, déi Zuel vun deenen erofzesetzen. De Firwat, op dee wäert ech herno a mengem zweeten Deel vun der Interventioun agoen, an zwar an deem Interventionsdeel, deen net vum Rapporteur ass, mä dee vun der grénger Fraktioun.

Et geet also drëm, manner Plastikstuten zu Lëtzebuerg ze gebrauchen. Am Moment hate mer do e Règlement grand-ducal, deen d'Direktiv 94/62 ëmgesat huet. Do ass eng Neioplage komm. Dat ass déi Direktiv 2015/720, déi net komplett iwwert dee Règlement grand-ducal ëmgesat gi war an duerfir elo an engem Projet de loi ëmgesat gëtt, wou ënner anerem och d'Zilwäerter dräi fir eben déi Consommation vu Sacs en plastique légers, déi vu 50 Mikrometer Déck sinn.

Et geet also drëm, hei Rechtssécherheet ze schafen, déi europäesch Direktiven a Lëtzeburger Recht ëmzesetzen. An et geet och dorëm, déi Zilwäerter natierlech anzehalen.

An dat si folgend dräi Voleten: eng Kéier d'Zilwäerter bis den 31. Dezember 2019: 90 där Plastikstuten op de Kapp; bis den 31. Dezember 2025 sinn et 40 där Plastikstuten op de Kapp a pro Joer, déi ee soll verbrauchen oder maximal duerf verbrauchen. An et gëtt een anere Volet nach dran, dat ass, dass déi gratis Tutevergab ab dem 31. Dezember 2018 verbueden ass.

Voilà! Domat ass an der Kommissioun awer och geschwat ginn iwwert déi Sacs en plastique très légers, also déi u sech nach vill méi dënn sinn, déi een an dem Rayon fënnt, wou ee sech kann zerwéieren, sief et de Geméisrayon oder Änleches. Do ass d'Optioun net geholl ginn, fir déi hei mat an de Verbuet eranzehuelen.

Et ass gesot ginn: Mir müssen oppassen, dass net duerch esou e Verbuet, wéi en eben a Frankräich geholl ginn ass, méi zrëckgegraff gëtt op de Préemballé. An da kommen ech herno a menger Interventioun op de Gaspillage alimentaire zrëck, well dee ganz enk domat verbonnen ass. Ganz vill Gaspillage alimentaire entsteet duerch Préemballé en barquette, an da flitt dat Ganzt inklusiv de Liewensmëttel, inklusiv der Verpackung an d'Dreckschéck. Duerfir ass hei eben op kee Verbuet zrëckgegraff ginn.

Bon, Avis vum Conseil d'État. Ech gi ganz kuerz dorop an. Ech hat gesot, den 11. Oktober ass deen éischte komm; eng Partie Opposition-formellen, wou natierlech d'Kommissioun eben Amendementen ausgeschafft huet, fir deene Rechnung ze droen. Am Avis complémentaire sinn u sech déi Opposition-formellen aus deem éischten Avis behuewe ginn, ewechgeholl ginn. Et sinn der awer zwou bäikomm; dat ass heiansdo esou. An zwar eng Kéier op den Definitiv, wou gesot ginn ass: Et feelen Definitiv, also d'Direktiv ass net komplett ëmgesat ginn. An déi zweet Saach, déi am Gesetzestext net virgesi war oder déi u sech agefuert ginn ass vum Statsrot, dat war den Droit de recours, dass dee géif hei ageschriwwé ginn; de Recours an pleine juridiction, dass deen ebe virun der Juridiction administrative am Gesetz drasteet.

Mam zweeten Avis complémentaire hu mer deene Formulatioun Rechnung gedroen. An domat waren d'Opposition-formellen dann och elo behuewen.

Ech kommen zu den Avisa vum de Chambres professionnelles, déi duerch d'Bank méi wéi positiv ware fir dësé Projet de loi. Den Avis vun der Chambre de Commerce weist hin op déi Initiativ, déi säit 2003 u sech zesumme gemaach gëtt am Partenariat public privé, dat ass den Écosac. Dat ass déi méi staark Polypropylenakafstut, déi et zwéischzäitlech an zwou verschidde Gréisste gëtt. Dat ass eng Success Story, an et ass u sech e Virzeigemodell op europäeschem Niveau. Herno kommen ech nach eng Kéier op d'Zuelen an engem Deel Interventioun vu menger Fraktioun.

Mir hunn an der Moyenne - schreiw si och - 18 Tuten op de Kapp. Mir sinn also scho wäit ënnert der Valeur cible, déi mer solle fir 2025 errechen. A mir hunn eis selwer och domat op d'Schëller geklappt a gesot: „Et huet jo awer eppes bruecht, dass u sech souwuel déi Entitéit Valorlux wéi d'Administration de l'environnement wéi d'Confédération luxembourgeoise du commerce zesumme geschafft hunn, fir de Problem vum Offall an den Offallsplastikstute Meeschter ze ginn.“

D'Chambre des Salariés huet weider kee Commentaire dozou ginn an huet u sech den Aval ginn zu deem Projet de loi. An d'Chambre des Métiers ass och ganz averstane mat deem Projet de loi. Se begreißt och, dass een net drop zrëckgegraff huet, och déi Tute mat 25 Mikrometer ze verbidden, wéi dat a Frankräich ass.

Klamer op: A Frankräich ass een do dann higaangen, dass een Tuten op de Maart bruecht huet, déi just e Mikrometer méi déck waren an domat net méi ënnert dee Verbuet gefall sinn. An domat hu se u sech hir Reglementatioun emgaangen. Och dat ass keng Léisung. Et muss een de Problem um Fong ugoen. Si sot: „Et ass dem Handel wichteg, dass déi ganz liicht Plastikstuten nach kënne genotzt ginn, fir ganz einfach d'Hygien méiglech ze maachen a fir net müssen op de Préemballage zrëckzegräifen. An dat begreissen explizitt also eis PME-artisanallen. A virun allem hu mer jo och natierlech do all eis Bäcker, Épicieren an esou weider an esou fort.“

Discussion générale

Bon, ech zéilt elo net méi weider op all Detail vum Projet de loi agoen a géif da fleissend iwwergoen op deen Deel, wou ech verschidde Saache verdéiwen, deen da méi menger Fraktioun Rechnung dréit.

Ech maachen do fënneg ganz kuerz Punkten, well ech jo prinzipiell fënneg Minutten als Fraktioun hunn. Dat Éischt: Wou sti mir? Firwat muss mer awer weider reduzéieren? Den Écosac ass - ech hat et scho gesot - eng Success Story. Déi drëtt Saach: Gëtt et Alternativen zu dësé Ekotut? Do läit elo eng Etüd vir vun der Valorlux, déi elo am Hierscht d'lescht Joer virgestallt ginn ass. De véierte Volet ass de Gaspillage alimentaire. Do hu mer och eng Studie virleien. Déi ass d'lescht Joer am Fréijoer presentéiert ginn. Dat ass d'Abfallstudie vun der Administration de l'environnement, datéiert op 2014. An zum Schluss wëll ech ophale mat OUNI; net ouni Fong, mä ouni Emballage.

Ech kommen zu deem éischte Punkt: Firwat dat Ganzt iwwerhaupt maachen? Ma de Plastik an der Natur ass e riseg Problem fir d'Flora an d'Fauna an awer och fir eis Liewensmëttel-sécherheet. A virun allem firwat? Well schlussendlech déi Plastike sech net komplett opléisen, mä zersetzen, an da gëtt et zum Mikroplastik, deen dann duerno d'Déiere friessen, an da kënnt en erëm zrëck an d'Liewensmëttelketten, an dann hu mir en herno och am Kierper dran. Dat ass also den Haptusazpunkt, fir ze soen: Mir müssen déi Emballagen nach zousätzlech reduzéieren.

Wou sti mer? Ma den Duerchschnitt an Europa läit bei 200 Tuten. Am Moment hat ech a menger Statistik hei 20 Tuten. D'Chambre de Commerce hat jo gesot, si hätten der 18. Mir hunn awer do Extremer dran: Irland, déi ware bei 18; Lëtzebuerg 20; da gëtt et awer schonn e klengen Décalage, Éisträich, Däitschland: 51, 71; an da wär d'Schlusslicht hei Bulgarien mat 421 Tuten op de Kapp.

Déi zweet Saach, den Écosac, eng Success Story. Dat ass eng steif Tut am Polypropylen, e recycélierbar Material. En ass 2003 agefouert ginn. En ass awer duenn net direkt esou ugehall ginn an huet net direkt zu enger riseger Reduktioun vun den Akafstute gefouert. De Knackpunkt war deen 2007, dass u sech d'Gratitéit vun der Tut net méi gewäerleecht war. Dat heescht, nach virun der Keess huet ee misse bezuelen. De Moment, mengen ech, sinn et dräi Cent Euro, déi ee muss fir esou eng Tut hierginn. Dat ass duergaangen, fir en Incentive ze maachen a schlussendlech elo bei enger Reduktioun en poids vu 74% ze leien,

vis-à-vis vun 2003, an en nombre vun den Tuten ëm 80%, wou mer jo hierkomme vun an déi 50 Milliounen Tute fir Lëtzebuerg, wou mer elo ëm déi 10 Milliounen Tute pro Joer leien.

Mir hunn awer eng stabel Consommation oder e Verbrauch vun deenen Tute vun 2008 bis 2013, déi ëm déi Valeur, déi ech elo sot, ëm 10 Milliounen an e bëssen Tute variéiert. Duerfir, et sinn der nach eng Part um Maart an déi soll ee sécherlech reduzéieren.

Déi drëtt Saach, déi ech hei wollt soen: Gëtt et Alternativen? Do läit d'Etüd vum 28. Oktober vun der Valorlux vir. Déi hu verschidde Vectoren ënnersicht, eng Ökobilanz gemaach, eng Kéier am Rohstoff, an de Ressourcen, dem Energieverbrauch, dem Transport, der Zweetnotzung oder dem Recycling, an zum fënneften der Entsorgung.

An dann - dat ass awer elo net en Zoufall -, déi Etüd ass gewëssenhaft gemaach ginn, an dat geet vu biobaséierten Tuten iwwer Pabeierstute bis bei déi Mehrwegtuten, wéi mer se elo fanen, den Écosac. An do ass eben dann den Energieasaz vum Écosac am Polypropylen awer, well e recycélierbar ass, méi kleng wéi bei enger Baumwolltragetüte. An der Herstellung ass et u sech dann déi gënschtegste Alternativ. Soudass hir Etüd, déi schonn op wëssenschaftlech Fakte baséiert, eben och derzou kënnt, dass déi Tut, déi elo am Ëmlaf ass, u sech déi bescht ass, déi een do kéint ergreifen.

Ee Wuert zum Gaspillage alimentaire. Gaspillage alimentaire, Liewensmëttelverschwendung, wat huet dat hei mat Emballage ze dinn? Dat huet ganz vill domat ze dinn, well ganz vill Préemballé doruechter zirkuléiert, wat u sech ganz vill vermeidbar wär. Wann ech also déi richteg Quantitéit akafen, dann hunn ech manner, wat an den Offall fält. An do läit och eng Studie vir vun der Ëmweltverwaltung, an zwar ass déi och héchst interessant. An déi hunn zwou Saachen ënnersicht. Eng Kéier: Wat mécht et un Tonnage aus? An: Wat mécht et u Geld aus, wat do verluer geet?

Dir hutt véier Akteuren, déi do concernéiert sinn. Dat sinn: Privathaushalter, Handel, Grousskichen, Gastronomie. D'Privathaushalter maachen iwwer 50% vun dem Gaspillage alimentaire aus. Dat sinn op de Kapp 63 kg, wouvun der ronn 30 vermeidbar wäeren. An dat mécht, wann een dat a Valeur monétaire ëmsetzt, fir d'ganz Land 60 Milliounen Euro am Joer aus. Dat wieren also 105 Euro pro Persoun op de Kapp, wouvun ech mer der dann do kéint 50 Euro aspieren.

A fir zu enger Punktlandung ze kommen, gëtt et jo och keng gutt Ried ouni Schluss. OUNI ass u sech eng ganz flott Initiativ, déi fir déi gréng dräi verschidde flott Vectore bedéngt. Eng Kéier ass et e Projet ouni Emballage, wat natierlech en Emballage en location huet, deen e festen Emballage ass, wou u sech de Rescht en vrac ass, wou ee sech déi Quantitéit ofzaapt an ofweilt, déi ee brauch.

Et ass eng Épicerie, déi och komplett op Bio setzt, op Bioprodukten, an e Projet, deen aus der Kooperativ eraus entsteet mat Biergerbedeelegung an a Form vun enger Kooperativ eben do opgestallt ginn ass. An do ass de Grand Opening den 21. Januar, elo dës Samstdeg. Ech mengen, duerfir passt dat jo grad, dass mer haut zu deem Problem vum Emballage a vum Déchet d'emballage schwätzen.

Ech hunn zwar elo net d'Invitationen, fir lech matzeginn, mä ech géif mengen, et wär awer interessant, eng Kéier dohinner kucken ze goen. Ech ginn d'Zoustëmmung vun der Fraktioun an ech soen lech Merci.

► **M. Mars Di Bartolomeo**, *Président*.- Merci. Et wär ee bal verleet, fir ze soen, et wär jo elo alles gesot.

(Hilarité et brouhaha)

Mä ech froen awer emol héiflechkeetshalber, ob nach een et wot, zousätzlech eppes ze soen. Et schéngt een ze woen: den Här Zeimet.

► Plusieurs voix.- Ooh!

► **M. Laurent Zeimet** (*CSV*).- Merci, Här President. Léif Kolleeginnen a Kolleegen, mer muss jo dacks hei héieren, wat alles net gemaach ginn ass, wéi d'CSV nach an der Regierung war. Nach haut de Mëtteg wat dat méi dacks de Fall. Dofir war ech elo e bëssen enttäuscht am Här Anzia sengem zweeten Deel, datt en net eng Kéier drop higewisen huet, wat dann alles gemaach ginn ass, wéi d'CSV nach an der Regierung war, besonnesch wat d'Gestioun vum Offall ugeet. An do hu mer jo dat neit Gesetz vun 2012, wat de Marco Schank ausgeschafft huet a wat seng Friichten dréit.



► **Plusieurs voix.** - Aah!

► **M. Laurent Zeimet** (CSV).- An doropshi wollt ech profitéiere vun der Präsenz och vun der Ministesch, fir eng Kéier ze froen, wéi et da mam nationalen Offallplang wier, dee jo fir 2016 ugekënnegt war - elo si mer 2017 -, ob se eis nach eng Kéier just kéint soen, wou déi Aarbechten dru sinn.

Fir de Rescht, mengen ech, huet de Rapporteur, deem ech Merci soe fir säi Rapport, op villes higewisen. Natierlech kann ee wéi de Statsrot d'Fro stellen: „Wär et net awer méi sënnvoll gewiescht, fir dës Positioun hei vläicht awer am Gesetz vun 2012 ze iwwerhuelen?“ Mir begrëssen dee Plus u Sécurité juridique, dee mer kréien.

Et kann een och d'Fro stellen, wéi den Här Anzia dat och gemaach huet. Et bleift nach vill ze maache beim Emballage. Och de Statsrot huet drop higewisen, datt déi Direktiv vun 1994 net déi Resultater bruecht huet, déi ee sech erwaart huet. Dat stelle mer all Dag fest, wa mer akafe ginn, wann een elo gesäit, datt op Tankstelle schonn Uebst a kleng Barquetten ugebuede gëtt. Alles dat misst net onbedéngt sinn. Do si mer ganz no bei lech, och wann et drëms geet, de Gaspillage alimentaire ze vermeiden.

Wat d'Ékotut ugeet, ech mengen, do si mer eis och alleguerten eens. Et gëtt bal näischt Schlimmeres fir d'Lëtzeburgerinnen an d'Lëtzeburger, wa se an de Supermarché fueren an ënnerwee feststellen, datt se hir Ekotut vergiess hunn. Dat ass e Succès, op dee mer kënnen houfreg sinn. Europa huet drop higewisen, datt et eng Best Practice ass.

Allerdéngs brauch et och net vill Courage, fir sech Ziler ze setzen, déi ee schonn erreecht huet. Mir hunn dat Zil schonn erreecht a mir hunn et erreecht net, andeems mer grouss Gesetzter gestëmmt hunn, mä andeems mer op Privatiniziativ gesat hunn. Och dat sollt eis vläicht awer ze denke ginn.

An deem Sënn ginn ech d'Zoustëmmung vun der CSV-Fraktioun a soen nach eng Kéier Merci fir de mëndlechen a schrëftleche Rapport.

(**Interruption**)

Ech hu keen Zweifel dorun, Madamm Lorsché.

Merci.

► **Plusieurs voix.** - Très bien!

► **M. Mars Di Bartolomeo**, *Président*.- Dann huet d'Wuert den Här Roger Negri.

► **M. Roger Negri** (LSAP).- Villmools Merci, Här President, an och e grouse Merci un de Rapporteur Gérard Anzia fir seng gutt Rapporten. Ech mengen, mir si frou, dass mer och am Beräich vun der Offallvermeidung an och vum Recycling elo e Schrëtt weiderkommen. Ech mengen, mir hu schonn e groussen Deel do vun deene Missiounen erleeedegt. Ech mengen, mir mussen op déi 75% do kommen. Duerch d'Biotonnen an esou weider si mer e grouse Schrëtt no vir komm. Natierlech bleift elo nach e groussen Deel ze maachen. Dat gëtt awer dee schwéiersten Deel.

An dofir wollt ech an deem Sënn och froen, ech mengen, den Här Anzia huet jo all déi Donnéeën do ginn, do, mengen ech, war et ganz wichteg, wann och do eng Informationscampagne géif gemaach ginn, fir de Consommateur ze sensibiliséieren. Ech mengen, dat ass elo scho ganz gutt geschitt, wéi de Rapporteur gesot huet, mat deene grouse Plastikstuten, déi d'Leit mat an d'Geschäfte huelen.

Wou mer awer och frou sinn, dat ass, dass mer net dee Schrëtt maachen, fir déi dënn Plastikstuten, wou haaptsächlech Alimentatioun, Uebst an esou weider, Geméis agepaakt gëtt, dass een aus Hygienegrënn op déi Vermeidung do verzicht. Well ech mengen, dat ass méi wichteg, wéi wann ee soss déi Gefor ageet, wou de Rapporteur gesot huet, dass dat herno préemballéiert gëtt mat Styropor an esou weider, wou mer da géifen e Schratt no hanne goen.

An deem Sënn wëll ech den Accord vun eiser Fraktioun ginn a soe Merci fir d'Nolauschteren.

► **Une voix.** - Très bien!

► **M. Mars Di Bartolomeo**, *Président*.- Merci och. An dann, vill erwaart, huet elo d'Wuert den Här Max Hahn.

(**Interruptions**)

► **M. Max Hahn** (DP).- Villmools Merci, Här President. Wie vun eis huet se net scho gesinn, d'Billen vu Villercher, doudege Villercher, déi op Inseln am Pazifik fonnt ginn, wou een no hirer Verwesung just nach de Skelett gesäit an

d'faarweg Plastikstécker? Ech weess, et si keng schéi Biller, a mir wëssen alleguer, dass de Mënsch schold heidrun ass.

Et ass e Fakt, dass iwwer 100 Milliounen Tonne Plastik an eise Weltmierer schwammen, an et ass och esou, dass de Plastik sech net an der Natur opléist, mä just a ganz kleng Stécker zerbrösel. Wann ee weess, dass Plastik bis zu 100 Joer an den Ozeanen iwwerliewe kann, da kann ee sech virstellen, wéi vill Schued dës kleng Stécker fir d'Fësch, d'Villercher an aner Déieren duerstellen, déi dës kleng Stécker mat eppes lessbarem verwiesselen. An net ze vergiessen: Et kann och zu Gesondheetsrisike fir eis Mënsche féieren, andeems mir Fësch oder aner Mieresproduiten, déi belascht sinn, konsumméieren.

Et freet mech dofir ëmsou méi, dass Lëtzebuerg e gudde Schüler ass, wat de Schutz vun der Ëmwelt ugeet, besonnesch och, wann et ëm d'Recycléieren an d'Offallvermeidung geet. De Prinzip vum Pollueur-payeur gëtt bei eis ëmgesat a vill Gemenge bidden hire Bierger un, fir esou vill wéi nëmme méiglech ze recycléieren, sief et de Pabeier, d'Glas, de Gréngschnëtt, de PMC, dee jo och iwwert d'Valorlux-Tut opgehuewe gëtt.

Besonnesch déi Deeg, wou d'Valorlux-Tuten dann agesammelt ginn, gesäit een op den Trottoiren déi sëllege Plastikstute stoen, wat zum enge beweist, dass mer awer nach ëmmer ze vill Plastik verbrauchen, awer zum aneren, dass, wann de Mënsch an den Awunner et esou einfach wéi méiglech gemaach kritt, wéi bei der Valorlux-Tut, dass een dann och motivéiert ass, fir do matzemaachen an ze recycléieren, an dass een ebe grad dee Plastik net an déi gro respektiv déi schwartz Dreckskëscht geheit.

Stellt lech nëmme just emol ee Moment vir, déi 6.234 Tonne Verpackung, déi all Joers bei der Valorlux agesammelt ginn, géifen an den Hausmüll kommen an net recycléiert ginn!

Här President, d'Direktiv, déi mer haut an nationaalt Recht ëmsetzen, huet als eent vun hiren Ziler, d'Unzuel u Plastikstuten, déi an Ëmlaf kommen, erfzesetzen. Dozou muss ee soen, dass Lëtzebuerg scho säit Längerem, dorunner schafft an duerch d'Aféiere vun der Ökotut am Joer 2004 - gesitt Der, Här Zeimet, ech ernimmen et! - d'Unzuel vun de benotzten Tute schonn enorm erfolgaangen ass.

Jo, wann een d'Zuele mat deenen anere Länner an Europa vergläicht, kann ee soen, dass Lëtzebuerg an deem Domän e Virreider war an e Musterschüler ass. An d'Aféierung vun der Ökotut war de Schlëssel zum Erfolleg. D'Strategie, déi de Ministère zesumme mat Valorlux an der CLC ugewannt huet, war näamlech déi richtig. Si hunn de Leit eng gutt Alternativ zur herkömmlecher Plastikstut proposéiert. Wéi dunnt déi normal Plastikstut ab - an elo passt op, Här Zeimet! - 2007 net méi gratis war, hatten d'Leit nach en Argument méi, fir op d'Ökotut zrëckzegräifen.

Da wëll ech nach soen, dass och ech et richtig fannen, dass mir vun der Méiglechkeet Gebrauch gemaach hunn, fir déi ganz dënn Tuten, déi mer aus dem Supermarché kennen, fir d'Geméis an d'Uebst anzepaken, net an dëst Gesetz mat anzebannen. Et gouf heibanne scho gesot vu mengem Virriedner, dem Gérard Anzia, dass dëst sécherlech a Saache Liewensmittelverschwendung a Verpackungsvermeidung kontraproduktiv gewiescht wier.

Dass d'Leit sech awer och Gedanke maachen, wéi een op dës Tuten am Allgemenge verzichte kann, beweisen eis ënner anerem zwou Alternativen. Kierzlech ass hei an der Stad e Buttek opgaangen, deen OUNI heescht, wou een ouni Verpackung eigentlech seng Produite kafe kann a wou een entweder seng eegen Tuten oder seng Dëppercher ka matbréngen an och just genee eigentlech dat dodra mécht, wat ee wierklech brauch, an och dat suergt op där anerer Säit net nëmmen derfir, dass Verpackung agespuert gëtt, mä och Liewensmittel vläicht manner verbëtzt ginn. De Client kënnt also mat sengen Tuten an Dëppercher dohinner, wéi gesot, ech fannen dat eng ganz, ganz flott Formule an ech ka just jiddwerengem recommandéieren, sech dat eng Kéier ukucken ze goen.

Eng aner Alternativ hunn ech kierzlech an engem Lëtzeburger Supermarché gesinn. Dëse bitt sougenannten „veggie bags“ un. Dat ass eng Aart Filet, wou ee säin Uebst a Geméis kann dramaachen. Dësen ass natierlech méifach gebrauchbar a kann och gewäsch ginn. Dir gesitt, och an dësem Beräich gëtt hei am Land probéiert, Alternativen ze fannen.

Wat ech awer och ganz positiv un dësem Gesetz fannen, ass, dass mir op engem anere Punkt méi wäit ginn, wéi d'Direktiv dat verlaangt. Ab dem 1. Januar 2019 sollen näamlech net nëmmen Tute mat enger Déckt ënner 50 Mikrometer eppes kaschte mussen, mä alleguerten d'Plastikstuten. Ech mengen, dass mir

domadder vill erreeche wäerten, wat d'Ëmdenken an d'Ëmgoe mat Plastikstuten ugeet. Dobäi muss ee soen, dass an alle grouse Supermarché scho säit Längerem Plastikstuten, déi iwwregens 100%eg recycléierbar sinn, eppes kaschten, och wann dat nëmmen dräi Cent sinn.

A ville Kleedergeschäfte kritt een och scho laang keng Plastikstute méi, mä Pabeierstuten. Ech mengen, dëst Gesetz wäert dozou bäidroen - an dann halen ech och op -, dass mir a Saachen Offallvermeidung weiderhi gutt wäerten dostoen.

Dëst gesot, soen ech lech villmools Merci fir d'Nolauschteren an ech géif dem Rapporteur Gérard Anzia villmools Merci soe fir säin exzellente schrëftlechen a mëndleche Rapport. An ech ginn d'Zoustëmmung vun der Demokratescher Partei.

► **Plusieurs voix.** - Très bien!

► **M. Mars Di Bartolomeo**, *Président*.- Merci dem Här Hahn. An Nächsten ass den Här Gibéryen.

► **M. Gast Gibéryen** (ADR).- Jo, Merci, Här President. Ech muss lech éierlech soen: Et fält mer elo näischt méi an, wat ech nach kéint zu dësem Projet soen!

(**Hilarité générale**)

Ech hat mer villes préparéiert. Meng Kolleegen hu mer de Botter ganz vun der Schmier geholl,...

► **M. Mars Di Bartolomeo**, *Président*.- Dat ass ëmmer geféierlech, wann Dir näischt ze soen hutt.

► **M. Gast Gibéryen** (ADR).- ...soudatt ech just kann dem Rapporteur Merci soen an d'Zoustëmmung vun eisem Grupp bréngen.

(**Hilarité**)

► **Plusieurs voix.** - Très bien!

► **M. Mars Di Bartolomeo**, *Président*.- Merci dem Här Gibéryen. Dann den Här Wagner, an da géif ech mengen, dann ass d'Zäit vun den Tuten ofgelaf.

► **M. David Wagner** (déi Lénk).- Also, Merci, Här President. Wa mer scho beim Tute sinn, wäert ech och nach dobäi bleiwen. Et ass schonn e puermol gesot ginn: Lëtzebuerg huet scho Modellcharakter, wat d'Tuten ugeet - wat „d'Tuten“ ugeet!

(**Hilarité générale**)

A mir sollen a mir kënne roueg houfreg drop sinn.

Wéi gesot, do war nach eng Fro, déi nach...

(**Interruption**)

Et louch op der Hand, jo.

► **M. Mars Di Bartolomeo**, *Président*.- Also, ech géif lech bieten, seriö ze sinn.

(**Hilarité**)

► **M. David Wagner** (déi Lénk).- Här President, mir schwätzen iwwer Tuten.

Bon, elo si mer erëm seriö. Also, d'Fro, déi nach am Raum stoung, war jo, fir ze wëssen, ob een déi ganz licht Tuten - soss muss ee Säck soen, dat ass och net besser!

(**Hilarité générale**)

Ech weess och net.

► **M. Mars Di Bartolomeo**, *Président*.- Sacheten! Sacheten!

(**Hilarité**)

► **M. Gast Gibéryen** (ADR).- Dat, wou eppes dran ass!

► **M. Mars Di Bartolomeo**, *Président*.- Contenant a Contenu!

► **M. David Wagner** (déi Lénk).- Also voilà! Déi Contentanten, ob een déi géif verbidden, déi ganz licht, déi een do bei der Téik kritt, fir Geméis oder Uebst dranzemaachen. Ech hat och an der Kommissioun déi Fro opgeworf an ech mengen, datt d'Antwort - déi och schonn de Rapporteur ginn huet, fir ze soen, datt mer elo dee Wee net géife goen, well dat éischters net effikass wär, zweetens nach aner Problemer mat sech géif bréngen, ënner anerem de Gaspillage alimentaire - duerchaus nozevollzéien ass.

Natierlech wär déi beschte Léisung, dat bleift dobäi, datt ee weiderhi just eng Tut géif gebrauchen, déi ee méi oft, esou oft wéi méiglech kéint gebrauchen. Dat ass déi beschte Léisung. De Problem bei den Tuten ass jo haaptsächlech deen, datt et zwar vill Alternativen zu de konventionelle Plastikstute ginn, mä datt et och net onbedéngt ëmmer reell ëmweltfrëndlech Alternative sinn. An ech mengen, et misst een och oppassen, net op falsch Alternativen ze setzen. An do kann een zum Beispill un déi sougenannten „Bioplastikstuten“ denken, well deen

Term „Bioplastik“ souwisou schonn net der Wourecht entsprécht, well déi Matière, aus där Bioplastik besteet, besteet meeschtens net aus Bioprodukten.

Et muss een och oppassen, wann een zum Beispill Tuten aus Maisstäerkt oder Gromperestäerkt esou hëlt, well, wéi mer jo och wëssen, déi jo och aus OGM-Produkten stamen, zemools wat de Mais ugeet. Doriwwer eraus kann et jo och zu sougenannten „Flächekonflikter“ kommen, zum Beispill, wann Ubaufflächen net méi benotzt ginn, fir lesswueren ze ziichten, mä fir aner Zwecker, wéi zum Beispill Emballagen.

En anert Beispill ass och de Bioethanol, wou ee ganz gutt muss oppassen, wou riseg Fläche benotzt ginn, fir Zockerkan zum Beispill ze planzen. Doranner ass e Land wéi Brasilien quasi Weltmeeschter ginn. An dat huet natierlech immens vill - vum Landraub net ze schwätzen, dat ass nach en anere Sujet -, mä dat huet immens vill negativ Konsequenze fir d'Ëmwelt an natierlech och fir eng nohaltig Agrarpolitik, déi do jo misst sinn, fir déi Flächen ze benotzen, fir d'Leit gesond kënnen ze ernieren.

De Problem bleift also weiderhin d'Benotze vun de ganz lichten Tute beim Apake vu Frëschprodukter am Eenzelhandel. Do ginn et natierlech och Alternativen, ënner anerem esou Léngenttuten an esou weider. Et wäert awer net vun haut op muer geschéien, datt jiddweree sech och - et gi jo och Realitéiten am Alldag - esou virbereet, fir ëmmer déi Tuten derbäi ze hunn. Well mir wësse jo all, datt mer och oft spontan akafe ginn oder während Pausen an der Aarbechtssäit. An et schleeft een och net ëmmer permanent e ganz Assortiment vu Léngenttuten oder aner Formen vu Mehrwegtuten esou mat.

Bon, et ass jo och scho gesot ginn, datt sech soll inspiréiert ginn un esou Geschäfte, un esou Initiative wéi dee Buttek OUNI. Wéi gesot, mir verstinn d'Grënn, firwat elo net dee Wee gaange ginn ass, oder elo net direkt dee Wee gaange ginn ass vum Verbuet vun de ganz lichten Tuten. D'Argumentatioun mécht Sënn. A souwisou, wann een aner Weeër ka goen, fir dat ze reduzéieren, wéi dat mat aneren Tuten de Fall war, da muss een dat roueg kënne goen. D'Fro ass, awéifern et iergendeng Kéier da wäert néideg sinn. A vläicht wäert d'Madamm Ministesch och nach drop agoen.

Ech soen lech Merci.

► **M. Mars Di Bartolomeo**, *Président*.- Merci och dem Här Wagner. An d'Wuert huet elo d'Ëmweltministesch.

(**Prise de position du Gouvernement**)

► **Mme Carole Dieschbourg**, *Ministre de l'Environnement*.- Da wëll ech mech de Mercien uschlëssen un de Gérard Anzia fir säi ganz gudde schrëftlechen a mëndleche Rapport. An ech freeë mech iwwert déi breet Zoustëmmung. Ech mengen, eis laang Diskussiounen och an der Kommissioun weisen, dass mer hei eng Approche wielen, wou mer do, wou et wierklech Sënn mécht, méi wäit ginn, wéi d'Direktiv et verlaangt, dat heescht bei deene groussen Tuten, dass mer do soen: „Mir huele se all“, a bei deene klengen déi Approche wielen, déi fir Lëtzebuerg och an der Vergaangenheet... An do wëll ech natierlech och deenen, déi viru mir waren, an awer och de Gemengeresponsabele Merci soen, dass si ganz aktiv un der Offallpolitik geschafft hunn. Do, wou „public private partnerships“ kënne sinn, wéi mer se elo schonn hu mam Écosac, wëlle mer dee Modell och bei deene klengen Tute goen.

Ech wëll lech och verroden, well dat och vum Här Hahn a vum Här Wagner ugeschwat ginn ass: Jo, mir sinn amgaangen, konkret mat de Partner ze kucken, wat da gutt Alternative sinn, fir déi kleng ganz licht Plastikstuten am frësche Rayon, am Geméisrayon, am Uebstrayon, awer och beim Flesch a beim Fësch ze ersetzen. Do brauche mer gutt Modeller an dat musse mer mat eisen Entreprises, souwuel deene klenge wéi deene groussen, déi dat da sollen ëmsetzen, maachen. An do si mer konkret um Schaffen.

An da wëll ech awer och nach dem Här Zeimet seng Fro beäntweren. Et gouf elo annerhalleft Joer ganz vill mat ville Partner um Offallplang geschafft a verschiddeenen Aarbechtsgruppen. Verschiddener hunn ech och selwer suivéiert. Ech war och op engem „kickoff meeting“. Am Moment si mer amgaangen, alles ze kompiléieren, fir am éischten Trimester dëst Joer nach, wann alles riicht leeft, dat op de Wee ze bréngen, dass et dann och kann diskutéiert ginn an den Offallplang dann och erneiert gëtt.

Villmools Merci fir d'Zoustëmmung.

► **Une voix.** - Très bien!

► **M. Mars Di Bartolomeo**, *Président*.- Merci och. An da si mer prett fir d'Ofstëmmung iwwert de Gesetzesprojet 6990.



Vote sur l'ensemble du projet de loi 6990 et dispense du second vote constitutionnel

D'Ofstëmmung fänkt un. Fir d'Éischt déi persé-inlech Stëmmen. D'Procuratiounen. An d'Ofs-tëmmung ass elo eriwwer.

60-mol Jo. Domat ass de Gesetzesprojet 6990 unanime ugeholl.

Ont voté oui: Mmes Diane Adehm, Sylvie Andrich-Duval (par Mme Nancy Arendt), Nancy Arendt, MM. Emile Eicher, Félix Eischen, Léon Glo-den, Jean-Marie Halsdorf, Mmes Martine Hansen,

Françoise Hetto-Gaasch, MM. Aly Kaes, Marc Lies, Mme Martine Mergen, M. Paul-Henri Meyers, Mme Octavie Modert (par Mme Martine Mergen), MM. Laurent Mosar, Marcel Oberweis, Gilles Roth, Marco Schank, Marc Spautz, Serge Wilmes, Claude Wiseler, Michel Wolter (par M. Claude Wiseler) et Laurent Zeimet;

MM. Marc Angel (par M. Roger Negri), Frank Arndt, Alex Bodry, Mmes Taina Bofferding, Tess Burton, M. Yves Cruchten, Mme Claudia Dall'Agnol, MM. Mars Di Bartolomeo, Georges Engel, Franz Fayot (par M. Alex Bodry), Claude Haagen, Mme Cécile Hemmen et M. Roger Negri;

MM. André Bauler, Gilles Baum, Mme Simone Beissel, M. Eugène Berger, Mme Anne Brasseur, M. Lex Delles, Mme Joëlle Elvinger, MM. Gusty Graas, Max Hahn, Alexander Krieps (par M. André Bauler), Claude Lamberty, Edy Mertens et Mme Lydie Polfer (par M. Gusty Graas);

MM. Claude Adam, Gérard Anzia, Henri Kox, Mmes Josée Lorsché, Viviane Loschetter (par Mme Josée Lorsché) et M. Roberto Traversini;

MM. Gast Gibéryen, Fernand Kartheiser et Roy Reding;

MM. Marc Baum et David Wagner.


Et bleift mer just nach ze froen, ob d'Chamber bereet ass, fir d'Dispens vum zweete Vott ze froen.

(Assentiment)

Merci. Dann ass dat esou décidéiert.

A mir sinn um Enn vun eisen Aarbechte vun haut ukomm. Mir hu Rendez-vous an effent-lecher Sëtzung de 7., 8. an den 9. Februar. Merci gesot.

(Fin de la séance publique à 17.41 heures)



SÉANCE 22

MARDI,
7 FÉVRIER 2017

Présidence: M. Mars Di Bartolomeo, Président • Mme Simone Beissel, Vice-Présidente

Sommaire

1. Ouverture de la séance publique
 - M. Mars Di Bartolomeo, Président
2. Communications
 - M. Mars Di Bartolomeo, Président
3. Ordre du jour
 - M. Mars Di Bartolomeo, Président
4. Heure de questions au Gouvernement

Question n°243 du 31 janvier 2017 de M. André Bauler relative aux perspectives de fusion des communes de la Nordstad, adressée à M. le Ministre de l'Intérieur

- M. André Bauler - M. Dan Kersch, Ministre de l'Intérieur

Question n°244 du 7 février 2017 de M. Laurent Zeimet relative aux mesures de sécurité à envisager par les communes pour les manifestations publiques d'une certaine envergure dans le cadre du plan «Vigilnat» niveau d'alerte 2, adressée à M. le Premier Ministre, Ministre d'État

- M. Laurent Zeimet - M. Xavier Bettel, Premier Ministre, Ministre d'État

Question n°245 du 7 février 2017 de M. Roger Negri relative à l'incinération de déchets de verdure, adressée à Mme la Ministre de l'Environnement

- M. Roger Negri - Mme Carole Dieschbourg, Ministre de l'Environnement

Question n°246 du 7 février 2017 de M. Gilles Roth relative à l'avis du Conseil d'État demandé dans le cadre de l'élaboration du projet de loi relatif à l'extension des compétences des agents municipaux par le présent Gouvernement, et se rapportant également à l'interdiction de la dissimulation du visage dans les lieux publics, adressée à M. le Premier Ministre, Ministre d'État

- M. Gilles Roth - M. Xavier Bettel, Premier Ministre, Ministre d'État (interventions de M. Claude Wiseler, Mme Octavie Modert et Mme Nancy Arendt)

Question n°247 du 7 février 2017 de Mme Josée Lorsché relative au programme eSanté, adressée à M. le Ministre de la Sécurité sociale

- Mme Josée Lorsché - M. Romain Schneider, Ministre de la Sécurité sociale

Question n°248 du 7 février 2017 de M. Marco Schank relative aux critères d'obtention d'une carte d'accès au service de transport pour personnes à mobilité réduite (Adapto), adressée à M. le Ministre du Développement durable et des Infrastructures

- M. Marco Schank - M. François Bausch, Ministre du Développement durable et des Infrastructures

Question n°249 du 7 février 2017 de M. Edy Mertens relative à l'ordonnance médicale standardisée pour soins de kinésithérapie, adressée à M. le Ministre de la Sécurité sociale

- M. Edy Mertens - M. Romain Schneider, Ministre de la Sécurité sociale

Question n°250 du 7 février 2017 de M. Serge Wilmes relative aux modifications projetées au niveau des horaires de la CFL, adressée à M. le Ministre du Développement durable et des Infrastructures

- M. Serge Wilmes - M. François Bausch, Ministre du Développement durable et des Infrastructures

Question n°251 du 7 février 2017 de M. Yves Cruchten relative à l'introduction d'un système de péage sur les autoroutes allemandes, adressée à M. le Ministre du Développement durable et des Infrastructures

- M. Yves Cruchten - M. François Bausch, Ministre du Développement durable et des Infrastructures

Question n°252 du 7 février 2017 de M. Henri Kox relative au traitement des subsides «PRIME House», adressée à Mme la Ministre de l'Environnement

- M. Henri Kox - Mme Carole Dieschbourg, Ministre de l'Environnement

Question n°253 du 7 février 2017 de M. Franz Fayot relative aux travaux de refonte de la législation sur la conservation et la protection des sites et monuments, adressée à M. le Ministre de la Culture

- M. Franz Fayot - M. Xavier Bettel, Ministre de la Culture

5. Question élargie n°22 de M. André Bauler concernant la réforme de l'Agence pour le développement de l'emploi

- M. André Bauler - M. Nicolas Schmit, Ministre du Travail, de l'Emploi et de l'Économie sociale et solidaire

6. 6989 - Projet de loi portant

1. modification du Code du travail;

2. modification de l'article 3 de la loi du 17 juin 1994 fixant les mesures en vue d'assurer le maintien de l'emploi, la stabilité des prix et la compétitivité des entreprises

- Rapport de la Commission du Travail, de l'Emploi et de la Sécurité sociale: M. Georges Engel

- Discussion générale: M. Aly Kaes, M. André Bauler, M. Gérard Anzia, M. Gast Gibéryen, M. Marc Baum

- Prise de position du Gouvernement: M. Nicolas Schmit, Ministre du Travail, de l'Emploi et de l'Économie sociale et solidaire

- Vote sur l'ensemble du projet de loi et dispense du second vote constitutionnel

7. 6939 - Projet de loi modifiant la loi modifiée du 15 juin 2004 portant réorganisation de l'Administration des bâtiments publics

- Rapport de la Commission du Développement durable: M. Henri Kox

- Discussion générale: M. Aly Kaes, M. Georges Engel, M. Gusty Graas, M. Gast Gibéryen, M. David Wagner

- Prise de position du Gouvernement: M. François Bausch, Ministre du Développement durable et des Infrastructures

- Vote sur l'ensemble du projet de loi et dispense du second vote constitutionnel

8. 6980 - Projet de loi portant modification de la loi du 16 août 2010 relative aux licences des contrôleurs de la circulation aérienne et transposant la directive 2006/23/CE du 5 avril 2006 du Parlement européen et du Conseil concernant une licence communautaire de contrôleur de la circulation aérienne

- Rapport de la Commission du Développement durable: Mme Josée Lorsché

- Discussion générale: M. Serge Wilmes, M. Roger Negri, M. Gusty Graas, M. Fernand Kartheiser, M. David Wagner

- Prise de position du Gouvernement: M. François Bausch, Ministre du Développement durable et des Infrastructures

- Vote sur l'ensemble du projet de loi et dispense du second vote constitutionnel

Au banc du Gouvernement se trouvent: M. Xavier Bettel, Premier Ministre, Ministre d'État; M. Félix Braz, M. Nicolas Schmit, M. Romain Schneider, M. François Bausch, Mme Lydia Mutsch, M. Dan Kersch et Mme Carole Dieschbourg, Ministres.

(Début de la séance publique à 14.32 heures)

1. Ouverture de la séance publique

► M. Mars Di Bartolomeo, Président.- Ech maachen d'Sëtzung op a froen den Här Premier- a Statsminister, ob d'Regierung eng Kommunikatioun ze maachen huet.

► M. Xavier Bettel, Premier Ministre, Ministre d'État.- Dat ass net de Fall, Här President.

► M. Mars Di Bartolomeo, Président.- Merci. Da géife mer zu eise Kommunikatiounen iwwergoen.

2. Communications

Och hei näischt Neits: D'Lëscht vun den neie parlamentareschen Ufroen a vun den Äntwer-

ten ass bei eis hei um Büro deponéiert. An d'Lëscht vun de Projeten, déi säit der leschter Sëtzung an eis Administratioun erakomm sinn, ass un d'Fraktiounen an un d'Sensibilitéite verdeelt ginn.

Communications du Président - séance publique du 7 février 2017

1) La liste des questions au Gouvernement ainsi que des réponses à des questions est déposée sur le bureau.

Les questions et les réponses sont publiées au compte rendu.

2) Les projets de loi suivants ont été déposés à l'Administration parlementaire:

7108 - Projet de loi arrêtant un programme plu-

riannuel de recrutement dans la magistrature et portant modification de la loi modifiée du 7 mars 1980 sur l'organisation judiciaire

Dépôt: M. Félix Braz, Ministre de la Justice, le 19.01.2017

7110 - Projet de loi concernant certaines modalités d'application et les sanctions du règlement (UE) n°511/2014 du Parlement européen et du Conseil du 16 avril 2014 relatif aux mesures concernant le respect par les utilisateurs dans l'Union du protocole de Nagoya sur l'accès aux ressources génétiques et le partage juste et équitable des avantages découlant de leur utilisation

Dépôt: Mme Carole Dieschbourg, Ministre de l'Environnement, le 20.01.2017

7111 - Projet de loi modifiant

1) la loi modifiée du 25 juillet 2015 portant création du système de contrôle et de sanction automatisés

2) la loi modifiée du 14 février 1955 concernant la réglementation de la circulation sur toutes les voies publiques

3) la loi du 19 décembre 2008 ayant pour objet la coopération interadministrative et judiciaire et le renforcement des moyens de l'Administration des contributions directes, de l'Administration de